

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj 7/10 i 3/23) i člana 55. stav (2) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), na prijedlog Ministarstva za poljoprivredu, šumarstvo i vodoprivredu Vlada Zeničko-dobojskog kantona, na 65. sjednici, održanoj 24.01.2025. godine, d o n o s i

ZAKLJUČAK

I.

Usvaja se Izvještaj o realizaciji Programa utroška namjenskih sredstava prikupljenih od naknade za zakup sportsko-privrednih lovišta za 2024. godinu, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/25
Datum, 24.01.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i
vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**IZVJEŠTAJ O REALIZACIJI
PROGRAMA UTROŠKA NAMJENSKIH SREDSTAVA
PRIKUPLJENIH OD NAKNADE ZA ZAKUP SPORTSKO-
PRIVREDNIH LOVIŠTA ZA 2024. GODINU**

ZENICA, januar 2025. godine

UVOD

Vlada Zeničko-dobojskog kantona Odlukom, broj: 02-11-5248/24 od 15.03.2024. godine je usvojila Program utroška namjenskih sredstava prikupljenih od naknade za zakup sportsko-privrednih lovišta za 2024. godinu (u daljem tekstu: Program), kojim su planirana sredstva u iznosu od 19.000,00 KM (slovima: devetnaest hiljada konvertibilnih maraka), koja čini iznos nerealizovanih sredstava iz prethodnog perioda i iznos na ime zakupnine za lovnu 2023./2024. godinu. Udruženja građana-Lovačka društva Zeničko-dobojskog kantona su u I kvartalu 2024. godine uplatila iznos od 14.687,63 KM, shodno članu 37.a stav (4) i (5) Zakona o lovstvu („Službene novine Federacije BiH“ broj: 4/06, 8/10 i 81/14) i zaključenim Ugovorima o dodjeli sportsko-privrednih lovišta u zakup na period od 10 (deset) lovnih godina. Navedena sredstva su u Budžet Zeničko-dobojskog kantona uplaćena u iznosu od 60% od planiranog godišnjeg prihoda od odstrjela divljači, koja se koriste za unapređenje lovstva, kao i za druge obaveze propisane članovima 37.a i 51. Zakonom o lovstvu („Službene novine Federacije BiH“, broj: 4/06, 8/10 i 81/14).

Programom je opredijeljeno da će se sredstva utrošiti za finasiranje/sufinansiranje projekata Udruženja/Lovačkih društava koji sa Ministarstvom imaju zaključene ugovore o zakupu sportsko-privrednog lovišta na područja Zeničko-dobojskog kantona, uz obavezu da Ministarstvo za poljoprivredu, šumarstvo i vodoprivredu raspiše javni poziv.

Dana 12.04.2024. godine na web stranici Zeničko-dobojskog kantona objavljen je javni poziv.

U vezi sa članom 55. stav (2) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), Ministarstvo za poljoprivredu, šumarstvo i vodoprivredu je izradilo izvještaj o realizaciji Programa.

UTROŠAK SREDSTAVA

U skladu sa Programom, Rješenjem Ministra Ministarstva za poljoprivredu, šumarstvo i vodoprivredu Zeničko-dobojskog kantona, broj: 05-22-3636-6/24 od 09.07.2024. godine imenovana je Komisija koja je provela javni poziv i prema kriterijima utvrđenim pod tačkom VII Programa, konstatovala da je do ostavljenog roka po javnom pozivu pristiglo 8 (osam) prijava, od kojih su 2 (dvije) prijave dostavljene poslije predviđenog roka. Zatim je Komisija pristupila otvaranju, pristiglih prijava koje su ispunjavele formalno-pravne uslove njih 6 (šest), potom izvršila analizu i ocjenu kompletnosti dokumentacije, bodovanje prijava-projektnih prijedloga i o tome sačinila Izvještaj.

Nakon okončanja navedenih aktivnosti, Ministar Ministarstva za poljoprivredu, šumarstvo i vodoprivredu Zeničko-dobojskog kantona je utvrdio Konačnu rang listu uspješnih projekata za finansiranje/sufinansiranje u skladu sa planiranim sredstavima kako slijedi:

NAZIV PROJEKTA	Naziv korisnika lovišta	Uplaćeni iznos zakupnine za lovnu 2023/2024. godinu	Kriteriji za dodjelu sredstava od naknada za zakup sportsko-privrednih lovišta sa bodovnom listom sačinjenom na osnovu kriterija					Ukupan broj bodova	RANG
			Visina uplaćene zakupnine	Finansiranje/sufinansiranje izgradnje lovno-uzgojnih objekata-pojila	Finansiranje/sufinansiranje izgradnje lovno-uzgojnih objekata-hraništa	Finansiranje/sufinansiranje izgradnje lovno-uzgojnih objekata-solila	Nabavka hrane za dodatnu prihranu divljači		
Projekat: „Nabavka hrane za prehranu divljači	Lovačko društvo „SOKO“ Maglaj	648,00	3	-	-	-	4	7	1
UKUPNO		648,00							

Prema tome, od ukupno planiranih sredstava u iznosu od 19.000,00 KM, Zaključkom Vlade Zeničko-dobojskog kantona, broj: 02-11-19106/24 od 15.11.2024. godine (u daljem tekstu: Zaključak) odobren je iznos od 648,00 KM, korisniku lovišta-Lovačkom društvu „SOKO“ Maglaj, čiji je projekat ostvario pravo za finansiranje/sufinansiranje projekta iz oblasti lovstva za 2024. godinu.

Odobrena sredstva u iznosu od 648,00 KM, Lovačko društvo „SOKO“ Maglaj će namjenski utrošiti, shodno kandidovanom i odobrenom projektu s ciljem dodatnog unapređenja lovstva na području Zeničko-dobojskog kantona, unosom dodatnih količina hrane u lovište za prehranu divljači koja ima za cilj smanjenje nastanka šteta od divljači.

Navedena sredstva uplaćena su na transakcijski račun Lovačkog društva „SOKO“ Maglaj, koje je u skladu sa tačkom IV. Zaključka dužno do 31.03.2025. godine, u Ministarstvo za poljoprivredu, šumarstvo i vodoprivredu dostaviti izvještaj o namjenskom utrošku odobrenih sredstava i shodno članu 54. stav (2) Zakona o izvršavanju budžeta Zeničko-dobojskog kantona („Službene novine Zeničko-dobojskog kantona“, broj: 21/23, 4/24 i 12/24).

Akt pripremila:

Amira Jusufbašić

Akt pregledao:

Aner Omeragić

MINISTAR

Jasmin Čajić